

**ODLUKU
O ODOBRAVANJU SREDSTAVA IZ TEKUĆE
REZERVE BUDŽETA KANTONA SARAJEVO ZA 2025.
GODINU****I**

Iz Tekuće rezerve Budžeta Kantona Sarajevo za 2025. godinu, ekonomski kod 600000, odobrava se izdvajanje sredstava Kabinetu premijera Kantona Sarajevo, razdjel 11010001, u ukupnom iznosu od 25.000,00 KM (dvadeset i pet hiljada konvertibilnih maraka) na ekonomski kod 614300 - Transferi neprofitnim organizacijama.

II

Sredstva iz tačke I ove odluke uplatit će se na sljedeći način:

- (1) Iznos od 9.000,00 KM Fondaciji "Krila nade", ul. Grbavička br. 32 Sarajevo, ID broj 4200908800005, račun broj 1610000155910051, otvoren kod Raiffeisen banke Sarajevo, u svrhu pokrivanja dijela troškova osiguranja mirnog protestnog okupljanja Bh. Povorke ponosa;
- (2) Iznos od 5.000,00 KM Udruženju "Renesansa", ul. Dolina br. 1 Sarajevo, ID broj 4200186580005, račun broj 1940014720700116 otvoren kod ProCredit Bank, za podršku realizacije projekta "Zajedno za život";
- (3) Iznos od 5.000,00 KM Udruženju Košarkaški klub BBY, ul. Behdžeta Mutevelića br. 2B Sarajevo, ID broj 4202331920009, račun broj 1340011130072289 otvoren kod ASA BANKA d.d. Sarajevo, za potrebe sufinansiranja učešća mladih košarkaša Kantona Sarajevo na međunarodnom turniru u Italiji;
- (4) Iznos od 3.500,00 KM Udruženju za društveno istraživanje "GLOBAL ANALITIKA", ul. Mula Mustafe Bašeskije br. 7 Sarajevo, za potrebe podrške projekta "Hrabra, pametna, nezaustavljiva" i
- (5) Iznos od 2.500,00 KM Radničkom kulturno-umjetničkom društvu "Proleter", ID 4200589600006, račun broj 3387502212705982 otvoren kod Unicredit Bank Sarajevo, u svrhu finansijske podrške organizacije proslave povodom 120 godina postojanja Društva.

III

Sa korisnicima sredstava iz tačke II Kabinet premijera zaključit će sporazume kojima će se precizirati međusobna prava i obaveze, uključujući obavezu finansijskog izvještavanja i utroška sredstava.

IV

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02/01-11-10240-6/25

09. juna 2025. godine
Sarajevo

Premijer
Nihad Uk, s. r.

Ministarstvo unutrašnjih poslova Kantona Sarajevo

Na osnovu čl. 21. stav (5) tačka a), 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20) i člana 127.) tačka c), a u vezi sa članom 10. stav (2) Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), na prijedlog policijskog komesara, ministar unutrašnjih poslova Kantona Sarajevo donosi

**PRAVILNIK
O DOPUNAMA PRAVILNIKA O NAČINU
POSTUPANJA POLICIJSKIH SLUŽBENIKA UPRAVE
POLICIJE MINISTARSTVA UNUTRAŠNJIH POSLOVA
KANTONA SARAJEVO PRILIKOM OBAVLJANJA
POLICIJSKIH POSLOVA I PRIMJENE POLICIJSKIH
OVLAŠTENJA****Član 1.**

(Novi čl. 59b. i 59c.)

U Pravilniku o načinu postupanja policijskih službenika Uprave policije Ministarstva unutrašnjih poslova Kantona Sarajevo prilikom obavljanja policijskih poslova i primjene policijskih ovlaštenja ("Službene novine Kantona Sarajevo", br. 2/20 i 27/24) iza člana 59a. dodaju se novi čl. 59b. i 59c. koji glase:

"Član 59b.

(Izvjешćavanje)

- (1) Policijski službenik koji je upotrebom "body" kamere snimio obavljanje poslova i zadataka iz svoje nadležnosti, pomenutu radnju će konstatovati u patrolnom nalogu, a u slučajevima kada se radi o složenijim radnjama, koje se odnose na izvršenje krivičnog djela ili narušavanja javnog reda i mira sačinjit će poseban izvješćaj u kojem će navesti vrstu uređaja kojeg je koristio prilikom snimanja, ime i prezime i čin policijskog službenika koji je snimao, mjesto i kratak opis snimljene radnje, te mjesto pohranjivanja snimke.
- (2) Policijski komesar ili osoba koju on za to ovlasti može odobriti objavljivanje snimke iz stava (1) na službenim web stranicama Ministarstva, na društvenim mrežama ili ih dostaviti medijima, ako je to potrebno radi objektivnog obavješćavanja javnosti ili radi obavljanja policijskih poslova.
- (3) Na snimci koja se dostavlja na objavu u skladu sa stavom (2) ovog člana potrebno je prikriti izgled ili druga obilježja po kojima se može utvrditi identitet policijskih službenika i drugih uključenih osoba, osim ako je objavljivanje potrebno radi mjera traganja.

Član 59c.

(Pohranjivanje i korištenje snimaka)

- (1) Policijski službenik će zadužiti "body" kameru na početku smjene, a nakon obavljenih službenih radnji obavezan je da istu vrati u prostoriju gdje je kameru zadužio, postavi u punjač i upali uređaj "body" kamere ukoliko je ugašen kako bi se videozapisi automatski presnimili na server koji je povezan sa punjačem, te da osigura da se kamera puni na punjaču (indikator za punjenje i prebacivanje snimka je vidljiv na displeju kamere). Sve preduzete radnje nadređeni rukovodilac će evidentirati u internu evidenciju.
- (2) Policijski službenik prije presnimavanja ne smije vršiti pregled snimljenog materijala, niti na bilo koji način mijenjati ili skratiti sadržaj istog, dok je obavezan da prije završetka smjene izvrši prenos snimljenog materijala na uređaj predviđen za pohranu snimljenih podataka. Ukoliko nije u mogućnosti izvršiti prenos snimljenog materijala, prenos će izvršiti nadređeni rukovodilac.
- (3) Pohranjeni snimci u skladu sa propisanim procedurama mogu biti korišteni u krivičnim i prekršajnim postupcima, prilikom dokumentovanja primjena policijskih ovlaštenja,

- za analizu prilikom izvođenja permanentnih obuka radi unapređenja policijskog rada i u internom postupku.
- (4) Snimljenim podacima mogu, uz asistenciju stručno-tehničkog lica, pristupiti samo ovlaštena lica Uprave policije, Ministarstva i to neposredni rukovodioci i policijski službenici iz Jedinice za profesionalne standarde, Odjeljenja za unutrašnju kontrolu, kao i oni policijski službenici koji dobiju zadatak da u skladu sa zakonskim propisima određenu intervenciju ili policijsko ovlaštenje preispitaju.
- (5) Za potrebu internog postupka pohranjeni snimak koristit će se uz prethodnu saglasnost načelnika Jedinice za profesionalne standarde u Upravi policije, uz informisanje Odbora za žalbe javnosti Skupštine Kantona Sarajevo, dok se za potrebe pravdanja upotrebe sile ili drugih upotrijebljenih ovlaštenja pohranjeni podaci mogu koristiti uz odobrenje rukovodioca osnovne organizacione jedinice ili načelnika Sektora uniformisane policije.
- (6) Kad se snimci ne koriste u postupcima koji se vode u skladu sa stavom (3) ovog člana automatski će se obrisati u roku od šest mjeseci od dana njihovog nastanka.

Član 2.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-9-04-3960/25

24. juna 2025. godine

Sarajevo

Ministar

Admir Katica, s. r.**OPĆINA CENTAR SARAJEVO****Općinsko vijeće**

Na osnovu člana 29. Zakona o lokalnoj samoupravi Kantona Sarajevo ("Službene novine Kantona Sarajevo", broj 22/00), čl. 10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) te čl. 63., 87. i 92. Poslovnika Općinskog vijeća Centar Sarajevo ("Službene novine Kantona Sarajevo", broj 23/04, 11/13, 13/17, 24/19, 31/19, 29/20 i 2/24), Općinsko vijeće Centar Sarajevo, na 7. redovnoj sjednici Općinskog vijeća održanoj 29.05.2025. godine, razmatralo je Izvještaj o izvršenju Budžeta Općine Centar Sarajevo za 2024. godinu, i donijelo

ZAKLJUČAK

Općinsko vijeće Centar Sarajevo, sa 13 glasova ZA 0 PROTIV i 11 SUZDRŽANO, nije usvojilo Izvještaj o izvršenju Budžeta Općine Centar Sarajevo za 2024. godinu.

Ovaj Zaključak će biti objavljen u "Službenim novinama Kantona Sarajevo".

Broj 01-45-375/25-21

29. maja 2025. godine

Sarajevo

Predsjedavajući

Općinskog vijeća

Benjamin Isović, s. r.**OPĆINA ILIDŽA****Općinsko vijeće**

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 28. Statuta Općine Ilidža ("Službene novine Kantona Sarajevo", broj 33/10 - Prečišćeni tekst i 18/16), Općinsko vijeće Ilidža na 9. redovnoj sjednici održanoj dana 26.06.2025. godine donijelo je

PRAVILNIK**O IZMJENAMA PRAVILNIKA O STIPENDIRANJU
UČENIKA I STUDENATA OPĆINE ILIDŽA****Član 1.**

U Pravilniku o stipendiranju učenika i studenata Općine Ilidža ("Službene novine Kantona Sarajevo", broj 43/23) član 1. mijenja se i glasi:

- (1) Ovim pravilnikom utvrđuju se osnove, kriteriji i način stipendiranja redovnih učenika javnih ustanova srednjih škola i redovnih studenata javnih visokoškolskih ustanova koje se nalaze na području Bosne i Hercegovine, kao i redovnih učenika privatnih srednjih škola i redovnih studenata privatnih visokoškolskih ustanova na području Kantona Sarajevo koji su na osnovu ostvarenih rezultata u znanju stekli pravo na stipendiranje školarine u iznosu od 100%, (u daljem tekstu: učenici i studenti).

Član 2.

U članu 3. stav (1) tačka c) mijenja se i glasi:

- c) da su redovni učenici javnih ustanova srednjih škola i redovni studenti fakulteta/akademija (javnih visokoškolskih ustanova) u Bosni i Hercegovini ili redovni učenici privatnih srednjih škola i redovni studenti privatnih visokoškolskih ustanova na području Kantona Sarajevo koji su na osnovu ostvarenih rezultata u znanju stekli pravo na stipendiranje školarine u iznosu od 100%, a koji su prvi put upisani na godinu studija za koju konkurišu za stipendiju.

Član 3.

U članu 5. stav (2) mijenja se i glasi:

- (2) Učenici i studenti koji ispunjavaju posebne uslove iz stava (1) ovog člana, mogu ostvariti pravo na stipendiju ukoliko mjesečni prihodi ostvareni u periodu od tri mjeseca prije podnošenja zahtjeva, ne prelaze iznos od 400,00KM po članu domaćinstva.

Član 4.

Ovaj Pravilnik stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-5185/25-2

26. juna 2025. godine

Ilidža

Predsjedavajući

Tarik Stambolić

Na osnovu člana 29. stav (1) tačka 5. Zakona o lokalnoj samoupravi ("Službene novine Kantona Sarajevo" - Prečišćeni tekst broj 22/00), člana 88. stav (2) Statuta općine Ilidža ("Službene novine Kantona Sarajevo", broj 33/10 - Prečišćeni tekst i 18/16), Općinsko vijeće Ilidža na 9. redovnoj sjednici održanoj dana 26.06.2025. godine, donosi

RJEŠENJE**O RAZRJEŠENJU DRUGOSTEPENE STRUČNE
KOMISIJE OPĆINSKOG VIJEĆA ILIDŽA****I**

Zbog isteka mandata sa danom 26.06.2025. godine, razrješava se Drugostepena stručna komisija Općinskog vijeća Ilidža i to:

1. Dunja Đurđević, predsjednica
2. Amra Oručević, članica
3. Lana Cokoja, članica
4. Emir Ibrahimagić, član